

সারাদেশ

মঈন খানের হাত ধরে নরসিংদীর উন্নয়ন আরও গতিশীল হবে: প্রত্যাশা স্থানীয়দের

প্রতিবেদক: নরসিংদী প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ছবি নরসিংদী প্রতিনিধি

বাংলাদেশ জাতীয়তাবাদী দলের (বিএনপি) স্থায়ী কমিটির সদস্য ও নরসিংদী-২ (পলাশ) আসনের সাবেক সংসদ সদস্য ড. আবদুল মঈন খান মন্ত্রিসভায় স্থান পাওয়ায় তাঁর নির্বাচনী এলাকা পলাশসহ নরসিংদীতে দলীয় নেতাকর্মীদের মধ্যে আনন্দ-উচ্ছ্বাস দেখা দিয়েছে। শুক্রবার (২১ আগস্ট) তাঁর মন্ত্রী হওয়ার খবর ছড়িয়ে পড়ার পর থেকেই বিএনপি ও অঙ্গসংগঠনের নেতাকর্মী এবং সাধারণ মানুষের মধ্যে উৎসবমুখর পরিবেশ সৃষ্টি হয়।

শুক্রবার নবনিযুক্ত সরকারের মন্ত্রিসভার সদস্য হিসেবে শপথ নেওয়ার পর পলাশ ও নরসিংদীর বিভিন্ন এলাকায় বিএনপি এবং অঙ্গসংগঠনের নেতাকর্মীরা আনন্দ প্রকাশ করেন। এ সময় কোথাও কোথাও মিষ্টি বিতরণ করা হয়। স্থানীয় সূত্রে জানা গেছে, ড. আবদুল মঈন খানকে স্থানীয় সরকার, পল্লী উন্নয়ন ও সমবায় মন্ত্রণালয়ের দায়িত্ব দেওয়া হতে পারে।

এলাকাবাসীর প্রত্যাশা, ড. আবদুল মঈন খানের অভিজ্ঞতা, রাজনৈতিক প্রজ্ঞা ও দক্ষ নেতৃত্বে নরসিংদীসহ দেশের উন্নয়ন কার্যক্রম আরও গতিশীল হবে। তাঁদের মতে, অতীতে সরকারের বিভিন্ন গুরুত্বপূর্ণ দায়িত্ব পালনের অভিজ্ঞতা রয়েছে তাঁর। সেই অভিজ্ঞতাকে কাজে লাগিয়ে পলাশ তথা নরসিংদীর অবকাঠামো, শিক্ষা ও প্রযুক্তিসহ বিভিন্ন খাতে উন্নয়ন আরও এগিয়ে নেওয়া সম্ভব হবে।

ঘোড়াশাল পৌর বিএনপির সভাপতি ও উপজেলা পরিষদের সাবেক ভাইস চেয়ারম্যান আলম মোল্লা বলেন, ড. মঈন খানের মতো একজন পরিচ্ছন্ন ও অভিজ্ঞ রাজনীতিকের হাতে মন্ত্রীর দায়িত্ব আসা নরসিংদীবাসীর জন্য আনন্দের বিষয়। তাঁর নেতৃত্বে নরসিংদীসহ সারাদেশের রাস্তাঘাট ও মানুষের জীবনমানের উন্নয়ন হবে বলে আমরা আশা করি।

তিনি আরও বলেন, ড. আবদুল মঈন খান বিএনপির চেয়ারপারসন ও সাবেক প্রধানমন্ত্রী বেগম খালেদা জিয়ার অত্যন্ত আস্থাভাজন নেতা। বিগত সরকারের সময়ে তিনি রাজপথের আন্দোলন-সংগ্রামেও সক্রিয় ভূমিকা পালন করেছেন। তাঁর অভিজ্ঞতা ও দক্ষতা বর্তমান সরকারের নীতিনির্ধারণে গুরুত্বপূর্ণ ভূমিকা রাখবে বলে তিনি আশা প্রকাশ করেন।

এদিকে পলাশ উপজেলা তৃণমূল বিএনপির নেতাকর্মীরাও ড. আবদুল মঈন খানের মন্ত্রিসভায় অন্তর্ভুক্তিকে ইতিবাচকভাবে দেখছেন। তাঁদের ভাষ্য, তাঁর দায়িত্ব গ্রহণে তৃণমূলের নেতাকর্মীদের মধ্যে নতুন উদ্দীপনা তৈরি হয়েছে। দূরদর্শী নেতৃত্ব ও রাজনৈতিক প্রজ্ঞার মাধ্যমে পলাশ উপজেলার বিভিন্ন উন্নয়ন কর্মকাণ্ড আরও গতিশীল হবে বলে তাঁরা মনে করছেন।

তৃণমূলের নেতারা বলেন, এলাকার যেকোনো সংকট ও ক্রান্তিলগ্নে ড. মঈন খান যেভাবে জনগণের পাশে থেকেছেন, ভবিষ্যতেও তিনি একইভাবে মানুষের কল্যাণে কাজ করবেন—এটাই তাঁদের প্রত্যাশা। তাঁর মন্ত্রিসভায় অন্তর্ভুক্তির মধ্য দিয়ে পলাশ ও নরসিংদীর দীর্ঘদিনের বিভিন্ন উন্নয়ন প্রত্যাশা পূরণের নতুন সম্ভাবনা তৈরি হয়েছে বলেও তাঁরা মনে করেন।

এ বিভাগের আরও খবর



আন্তগঞ্জে রুমিন ফারহানাকে অবাস্তিত ঘোষণা, বিএনপির ঝাড়ু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তগঞ্জে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের ধাক্কায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হার্ডিঞ্জ রিজের পিলারের সঙ্গে ধাক্কা লেগে নিখোঁজ বিনাইদহের শৈলকুপার পৌর ছাত্রদলের সদস্য...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...